



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2025. godini broj: 02-04-8728-2.1/25 od 14.03.2025. godine, utvrđen Zaključkom Vlade Kantona Sarajevo broj: 02-04-8728-2/25 od 14.03.2025.godine, o b j a v l j u j e;

**JAVNI POZIV POSLODAVCIMA SA PODRUČJA KANTONA SARAJEVO DA SE
PRIJAVE ZA UČEŠĆE U PROGRAMU SUFINANSIRANJA ZAPOŠLJAVANJA
„VATROGASACA PRIPRAVNIKA“**

I

Program sufinansiranja zapošljavanja vatrogasaca pripravnika (u daljem tekstu: Program) realizuje se zapošljavanjem nezaposlenih osoba iz ciljne kategorije u Kantonalnu upravu civilne zaštite Kantona Sarajevo radi obavljanja pripravničkog staža – obuke.

Cilj Programa je kraće trajanje nezaposlenosti osoba i obezbjeđenje kvalifikacione strukture radne snage.

II

U Programu pravo učešća imaju nezaposlene osobe prijavljene na evidenciju nezaposlenih u Kantonu Sarajevo, a koje ispunjavaju i posebne uslove u skladu sa Zakonom o zaštiti od požara i vatrogastvu („Službene novine FBiH“ broj 64/09).

III

Služba će Kantonalnoj upravi civilne zaštite Kantona Sarajevo, refundirati sredstva u iznosu od 1.700,00 KM mjesečno u trajanju od 6 mjeseci po novouposlenoj osobi ciljne kategorije za isplatu plaća i pripadajućih poreza i doprinosa u skladu sa propisima koji uređuju ove obaveze. Svi drugi troškovi padaju na teret poslodavca.

IV

Kantonalna uprava civilne zaštite Kantona Sarajevo je dužna uz elektronsku prijavu prilikom apliciranja putem zvanične web stranice Službe (www.szks.ba) dostaviti skeniranu dokumentaciju u originalu ili ovjerenj kopiji u roku predviđenom u javnom pozivu u nastavku kako slijedi:

- a) rješenje o registraciji u Kantonu Sarajevo,
- b) uvjerenje o izmirenim obavezama po osnovu poreza i doprinosa ne starije od 60 dana od dana aplikacije na javni poziv (izdat od strane Porezne uprave Federacije Bosne i Hercegovine),
- c) listing o broju uposlenih koji ne smije biti stariji od 60 dana od dana podnošenja aplikacije na javni poziv (izdat od strane Porezne uprave Federacije BiH)

- d) uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) ne starije od 60 dana od dana podnošenja aplikacije na javni poziv.

V

Javni poziv ostaje otvoren 15 dana od dana objave.

VI

Nakon aplikacije poslodavca na javni poziv, Služba utvrđuje prijedlog liste poslodavaca za učešće u Programu. Na prijedlog Upravnog odbora Službe, ovu listu usvaja Vlada Kantona Sarajevo. Nakon što Vlada Kantona Sarajevo usvoji predloženu listu, direktor Službe zaključuje ugovor sa aplikantom.

VII

Ugovorom između Službe i poslodavca uređuju se prava i obaveze Službe i poslodavca, pravo poslodavca za izbor nezaposlene osobe u skladu sa Zakonom o zaštiti od požara i vatrogastvu, te obavezu zaključivanja ugovora o radu sa nezaposlenom osobom sa punim radnim vremenom na period od najmanje 6 mjeseci, obavezu isplate plaća i pripadajućih poreza i doprinosa u skladu sa propisima koji uređuju ove obaveze.

VIII

Rok za realizaciju Programa je 30 mjeseci od dana potpisivanja pojedinačnih ugovora, uključujući i eventualne anekse ugovora.

IX

Rezultati ovog javnog poziva biće objavljeni na web stranici Službe.

X

Aplikacije sa potrebnom dokumentacijom, podnose se isključivo Javnoj ustanovi „Služba za zapošljavanje Kantona Sarajevo“ Sarajevo, putem elektronske forme na web stranici www.szks.ba (jedini način podnošenja prijava na Javni poziv).

Detaljne informacije o načinu registracije korisnika na aplikaciju za elektronsku prijavu na Javni poziv nalaze se na web stranici www.szks.ba u formi objavljenog video uputstva i objavljenog dokumenta „Uputstvo o načinu i postupku registracije i elektronskih podnošenja aplikacija/prijava u svrhu prijavljivanja na javne pozive po Programima za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u Javnoj ustanovi „Služba za zapošljavanje Kantona Sarajevo“ Sarajevo.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-081